

Magtubu to tumô to Piyêr li Kwôlo kôl kwôli magtubu to tumô to Piyêr li hen

Magtubu to tumô to Piyêr li hen na, ôbi li bijɛ na bay ayê bôô ka iyére to bay yi bô emê wo Asi to kemnêɛ ba na sa iyé Turki hen. Eglispê bay ka yi sa iyére hende to bay bô emê wo Asi hen na, na Pol réba megêri bay jé a na dé tôrji. Na Rôm a a ôbi ré lip magtubu hende to hen hen. Ôbi uwôge Rôm Babilôn (Sapitre 5: 13). Kwôlo Piyêr kôl bô magtubu tori hende to hen na, gel wo bɛɛné ré kaɛ bay ayê bôô men, bay ré dɛji kwôli lê aɛga habɛɛ sarji a men, bay ré ca geléji gusɛɛ a men. Na ôbi á, Piyêr ré gey hô dôbêji ibiyare bôrji a aɛ gelji bi bay ré dɛ tirji na sa Jésu Krist a wo bay gelɛɛ gusɛɛ môn wo ôbi na gelɛɛ men hen iyôɛ.

Sapitre 1: 1-2 na, dosé to ôbi liji.

Sapitre 1: 3-12 na, kôl na kwôli uwôlê heramɛɛniri. Piyêr hô kôliɛ bay ayê bôô iyeɛ a Emen né gôliɛ naɛ ci men, iyeɛ a ôbi ré biji aɛgaɛ dé bôô sara ka ré gôliɛ naɛ ci sa kibi temay Jésu Krist men, jê wo ôbi ji si kampê hen a men.

Sapitre 1: 13 kwôy 2:10 na, Piyêr dôbe ibiyare bô bôô bay ayê bôô a aɛ kôliɛ bay ré dɛ tu melênê sa yirji a men, hal woji ré yi kwo dé tu Emen hen sa kibi bɛɛɛre toji naɛ *Krist.

Sapitre 2: 11 kwôy 4: 19 na, ôbi hal bay ayê bôô gengɛɛ sa hal woji gengɛɛ sa to tôô to bay

emê sa iyére men, gengijn sa mana naɲ ôbi iyéryi men, gengijn sa bê kwôlê wo ré yi perê bijné tô kwôrnêre a men, gengijn sa hal woji bô églis a men, naɲ bijné ka nô a men. Piyêr kôl bay ayê bôô ré ay hal wo Krist men, jé lêreji men, ermé woji gengijn sa aɲgaɲ gusijn a a men na, ré gel wo bay ré bi bôrji sa kwôlê wori a.

Sapitre 5: 1-11 na, Piyêr kôlij surɲê ka bô églis a men, manê naɲ tô bay ayê bôô kê m ka baa hen bi bay ré đebu iyére sa gusijn to bay gelijn hen aɲ bay ré bi bôrji sa aɲga Emen na genge wô sarji hen.

Sapitre 5: 12-14 na, Piyêr duu kibi magtubu tori hende to hen naɲ dosé men.

Ôbi kôlij bay ayê bôô hena bay ré gelijn gusijn kôba, bay ré lêɲnê tô ayê bôô woji a aɲ ré yé aɲgaɲ gelé bijn bijné ka sa terare a nà. Men, bi jé lêreji naɲ hal woji kê m ré kôl kwôli aɲga dô đê kirijn ka Emen li hen (Sapitre 2: 9). Aɲ bi bijné ka na bay ayê bôô ré hen, ré gelijn jé lêreji wo dôri aɲ ré heramijn Emen wulê wo ôbi a buloɲ herap (Sapitre 2: 12).

Dosé to ôbi liji

¹ Na nôbi Piyêr *ôbi jé wo Jêsu Krist a lê magtubu hende to hen bérge kenbay bijné ka Emen terênge bi kené yi kari ka ken ô débé aɲ usurijn sa iyé Pônt a men, Galati a men, Kapadôs a men, Asi a naɲ Bitini a hen a men hen. ² Ibarna Emen na terênge mega wo ôbi na genge tumô hen iyôn. Aɲ ôbi đérge ken yi naɲ jengêrge sa

kibi Tini aṅ bi kené li tôô Jésu Krist men, bi ôbi ré pelénge naṅ kwôbriri a men. Bi bô derê wo Emen naṅ bô jalê wori baa naṅ ken damaṅ.

Ayênange kibi Emen woṅ ôbi gôlij naṅ na hen

³ Na liṅge Emen woṅ Iba Kelma wona Jésu Krist dosé. Wôsa sa kibi bô derê wori wo li aṅ yi mega nana yêṅ daṅ iyôn sa kibi jê sé wo Jésu Krist kampê perê bijné ka may a hen. Ôbi a, nana bi bôrna wo nana upé gelê naṅ dî. ⁴ Aṅ nana hôn wo nana ôriṅ naṅ aṅgaṅ upé ka Emen gem béna ka yi derômaranṅ a hen men. Are bay ka hen na, na aṅga a mênij ré men, a beré kar ré men, a dôriṅ bôré ré a men. ⁵ Na sa kibi ayê bôô woṅge aṅa Emen né geménge naṅ néé wori aṅ bi kené uwônij gelê wo ôbi a yêgê sari wulê wo sa terare a kerê hen.

⁶ Sa kibi ari upé kaṅge bay ka yi derômaranṅ a bay ka hen na, hena haw hen aṅgaṅ sélé ka gay ré béṅge bô emê kôba, ken li yi derê hen.

⁷ Wôsa lôr wo na lari wo a mênij hen kôba, bay sééli bô tare a wô hônij, derêri. Iyôn ba, ayê bôô woṅge dô damaṅ dê lôr aṅ bay sééli bi ciré hônij derêri. Ôbi dema kené uwônij ayê kibi men, heramê naṅ dampare Wulê wo Jésu Krist a buloṅ heranṅ hen. ⁸ Ken gili naṅ turṅge ré tô kôba, ken geyri. Men, bi wo ken gili ré hen kôba, ken bi bôrnge sari a men. Na ôbi á, kené li yi derê wo dami dê sa kirij hen. ⁹ Wôsa ken uwôn aṅga na ken bi bôreṅge sara kené upé hen na, bay a na gelê.

¹⁰ Tumô ba, bay kibi Emen na kôbe tôri ciré henê na ba ré na iyeṅ a Emen ré gôlij naṅ bijné

ba? Na ôbi á, bay na ré uwôl béré tumô bijñ bijné gengijn sa bô derê wo Emen na fu sa téri wô sarnge hen. ¹¹ Tini Krist to yi bôrji a hen na kôlji tumô mega wo Krist, kwo Emen dôri hen ré gelijn gusijn pa dem aña ôbi ré upé hini emê tô. Bay kibi Emen bay ka hen, kôbe ciré henê wulê wo are bay ka hen ré sañ men, bay ré lijñ na iyeñ ba a men. ¹² Emen kôlji iyôn ba, béré kwôlo bay ré uwôl hen na, ré yi gengijn sarji ré nijba, ré yi gengijn na sarnge kenbay dî. Haw hen bijné ka ulênge béré Kwôlo Dôri hen na, bay kelênge na kwôli are bay ka hen. Bay na kôl na nañ néé wo Tunu top hendi bô bôre to Emen na jop hen. *Manê ka derômarañ a kôba, gey bi ciré henê are bay ka hen men.

Jé lê wo dé tu Emen

¹³ Sa kibi are bay ka Emen li béñge hen na, janênge yernge wô lijñ jé bijñ Emen men, ken mô tu geñ men, ken erem sa anga dangi a ré nijñ a men, nijba, ken erem na sa ka dôri ka ka upé Wulê wo Jésus Krist a buloñ herañ hen dî. ¹⁴ Añ haw hen na, bijnge Ibarenge Emen kwôlê yôôd wôsa tumô kirijña na ken hôn Kwôlo Dôri ré tô hen na, lê anga habijn a na beré bônge, añ haw hen ken hô li ré nijñ. ¹⁵ Mega wo Emen wo uwôgênge bi kené yi bijné kari yi nañ jengêri hen iyôn na, kenbay kôba, ken yi nañ jegêrnge hen iyôn men nañ jé lêrenge kêm. ¹⁶ Bay na li bô magtubu to Emen a kôl iyôn ba: «Yênge nañ jengêrnge wôsa nôbi Emen en yi nañ jengêren.» ¹⁷ Kirijña ken uwôl Emen ba, ken uwôgeri Ibarni. A iyôn ba, ken kemnañ tini añ bi jé

lêrenge yi kwo dôri kwôy wo ken ban sa terare a nà tô. Wôsa Emen jô kwôlê sa bîné i i ba, nan jé lêriji jé lêriji dîba, ôbi dô tu kwôni ré. ¹⁸ Ken hôn mega wo Jésus Krist ré jô sarŋge tô hara woŋ dên iyôn wo môpênŋge na gelênge hen. Ôbi na jô sarŋge na nan gursu ley, lôr ley ka a mênij hen né, ¹⁹ nijba, ôbi na jô sarŋge nan kwôbri Krist wo gôlij sa are kêm hen. Ôbi yi mega kema kwormo wo bay duu lij sarga iyôn. Ôbi yi nan jengêri an ani kani ka habij nan yiri. ²⁰ Tumô kirija tô terare na dîj né tô kôba, Emen na dôri nij an haw hen kôba, Emen yêge sari wô derê woŋge. ²¹ Na sa kibri ana kené bîj bônŋge sa Emen wo biri ji si kamjê an ayij kibri hen. Na ôbi á, kené ay bônŋge bîj Emen men, ken bi bônŋge sari a men hen.

²² Mega wo ken yi nan jengênŋge sa kibi bê kwôlê woŋge sa kwôlo Emen woŋ tiri hen na, li kwôy wo ken gey yênênŋge. Iyôn ba, ken geyji damaŋ hen iyôn yôôd nan bôpôn. ²³ Wôsa ken yêŋ dan nan néé wo kwôlo Emen wo bîj bîné gelê an yi nan kwini men, a mênij ré kwôy a men hen. Emen woŋ ôbi merê nan kwini a na bênge gelê bi wo hen dîba, na gawra wo a ma hen né. ²⁴ Lij bô magtubu to Emen a kôl iyôn ba:

«Gawrê kêm yi môj kalmê hen iyôn,
bayrareji yi môj béé gurô iyôn, bay hay an
bééreji herij.

²⁵ Nijba, kwôlo Kelma Emen ba, a kerê ré kwôy.»

Kwôlo Emen bi wo nini kôl kwôli hen na, na Kwôlo Dôri wo bay na ulênge béréri hen.

2

¹ Mega wo Emen béngge gelê wo kôrbi hen iyôn na, ken dī jé lêrenge wo habiñ hen kêm wo nà hen baa: lê benare men, kelê kwôlê kebrenge wô wô men, tu bôriyare men, jôm a men. ² Bi doy kwôlo Emen lêngge môn kema wo dé ôriñ doy kuba yori hen iyôn, añ ken iyêriñ tô a kwôy wo Emen a sa gôliñ nañ ken yôôd. ³ Wôsa liñ bô magtubu to Emen a kôl iyôn ba: «Kenbay nañ yerñge ken hôn derê wo Kelma Emen dô hen.»

Jésu Krist na keram wojñ dé iyére wo dô dê tô keram wo baa hen

⁴ Iyôn ba, ken uso ða ligi Kelma wo yi mega keram wo mô tu geñ wo gawrê kañ, niñba, tu Emen wo dôri hen na, ôbi na keram wo dô dê are kêm hen. ⁵ Kenbay kôba, kena keram wo mô tu geñ bi wo hen men, añ Tini Emen ay ðiñ *iyéy Emen hen. Ôbi a dé ka yé bay bê kwôbe bô a añ bi kené liñ jé biri nañ bô pôn men, ken li sarga wo Tunu gelénge kené li añ dôriñ Emen sa kibi Jésu Krist. ⁶ Liñ bô magtubu to Emen a kôl iyôn ba:

«Gelénge, en ay keram wo dô gañ añ dī sa iyé Sijnô a

añ na ðiñ tô iyére tiñê sara men,
en dôôri wôsa ôbi na kwo dôri,
añ kwôni wo bi bôri sara ba,
tayre a diri ré kwôy.»

⁷ Kenbay ka ken bi bônge sara hen na, ôbi dô dê are kê. Nijba, ñiné ka bi bônji sara ré hen na, ôbi na ani tirji a ré kwôy. Men, lijn bô magtubu a kôl iyôn ba:

«Keram bi wo bay dé iyére na kanji hen na, ôbi a hô yé keram wôj dé tô iyére.»

⁸ Men, hô lijn kôl iyôn ba:

«Na keram wôj ôbi dê tê kwôni men, na kwo a lê aji kwôni a kuriji a men.»

Ñiné di téri sa keram bi wo hen a wôsa ca tumô ba, Emen na genge bi ré yi hen iyôn wô ñiné ka bi bônji sa kwôli bi wo hen a ré hen.

⁹ Nijba, kwonge kenbay ba, kena tô yé wo Emen derenge men, kena kilmé men, kena bay bê kwôbe ka li jé bij Kelma Emen men, kena tô yé wo na kwo Emen men, kena ñiné ka Emen bi a men. Aji ôbi terenge bi kené kôlin ñiné kwôli anja kwôni ka ñiré li hen men, kirija ôbi uwôgênge aji derenge bô kiriji ka hendi a aji bi kené ô meré kiriji ka perangi a ka dê kiriji.

¹⁰ Tumô ba, na kena ka Emen né, nijba, haw hen kena kari men, na ken hôn mega wo ôbi na ré bô tu ja tonje ré, nijba, haw hen ken hôn wo ôbi ré bô tu ja tonje men nij.

Yéngé bay jé ka Emen

¹¹ Miljén kané, henenge wo kené na kergé sa terare a na ñiba, iyére tonje naj tón na. Iyôn ba, en uwôlênge bi kené li anja habiji ka ken li tu bôriyare sara hen ré nij. Are bay ka hen na, bay a jerenge lê anja dôriji Emen hen. ¹² Bi jé lêrengé yi kwo dôri peré bay hené Emen né

a, aɲ bi hena bay ré lêngge nôm mega wo kené li aɲga habiɲ ba, bi bay gel aɲga dôri ka ken li hen kwôy kwôy aɲ bi bay ayiɲ kibi Emen wulê wo ôbi a saɲ.

¹³ Mega wo ken ô tô Kelma wona Jêsu Krist a hen iyôn na, biɲé kêm ka sa terare a nà ka ôriɲ naɲ néé hen ken biji kwôlê men, ken biɲ kelma woɲ ôbi sa kirɲ kêm hen kwôlê men, ¹⁴ ken biɲ biɲé ka kelma dji bi ré pô bay lêre aɲga habiɲ men, wô dené ka li aɲga dôri a men hen kwôlê.

¹⁵ Emen gey bi kené li aɲga dôri aɲ biɲé kaɲ bay galê ka hôn ani ré ka lêngge nôm hen ré uwôn kwôlê woɲ kelê ré niɲ. ¹⁶ Bi jé lêreɲge yi kwo biɲé ka mô naɲ sarji, aɲ ken dî bi merê sa senje tonje hende to hen li aɲ ken liɲ aɲga habiɲ ré, niɲba, bi jé lêreɲge yi kwo manê ka Emen dî.

¹⁷ Biɲge biɲé kêm kwôlê men, geyéɲge yênrêɲge bay ayê bôô men, kemnaɲge tini Emen men, ken biɲ kelma ôbi emê sa iyére kwôlê a men.

Bi jé lêreɲge yi môɲ kwo Jêsu Krist hen iyôn

¹⁸ Kenbay manê, dôbêɲge sarɲge biɲ bay iyére tonje men, hena bay ré lêngge dôô, ré lêngge habiɲ kôba, ken kemnaɲ tiniɲi a men.

¹⁹ Hena kwôni ré bu bôri iyêre sa bô emê woɲ déɲ iyôn a hen wô kibi Emen na, na aɲga dôriɲ Emen. ²⁰ Hena kené li habiɲ aɲa bay ré sêɲge men, geléɲge gusiɲ a men ba, i a ayê kebrenje ba? Niɲba, hena kené li dô aɲa bay ré geléɲge gusiɲ aɲa kené bu bôreɲge iyêre sara na, na aɲga dôriɲ Emen. ²¹ Na wô ôbi bi wo hen aɲa ôbi ré uwôgêɲge wôsa Jêsu Krist kôba, na geliɲ gusiɲ

wô sarŋge na hen iyôn men, aŋ geléŋge geré bi kené li môŋ kwori iyôn. ²² Wôsa ôbi na li ani kani ka habiŋ né men, kwôlê woŋ benare naŋ kibri a a men. ²³ Kirija bay tiréri ba, ôbi tiréji men né men, kirija bay geli gusiŋ ba, ôbi kôl dîré liji habrê gônjiŋ tu ré a men, niŋba, ôbi ay yiri uwôl kôbi Emen woŋ ôbi jerê kwôlê naŋ geréri hen dî. ²⁴ Jésu Krist naŋ yiri a perê habrê woni bi sari a kirija bay na bééri sa gurô tagelê hen aŋ bi nana yi môŋ nana ma tô têriŋ a iyôn aŋ bi nana môriŋ tu geŋ men, jé lêrena ré yi kwo dôri a men. Sa kibi gusiŋ hende to bay geli hen aŋa nabay nana berariŋ kemnêŋ hen. ²⁵ Tumô ba, na ken yi môŋ gamgê ka ge kay iyôn niŋba, haw hen na, bay hô ɣnéŋge hôriŋ tô geré kayê woŋge a, aŋ ken ô tô kwoŋ ôbi berê sarŋge a men, ôbi gemérŋge a men hen niŋ.

3

Jé lê wo imŋê a lê naŋ yébéri men, jé lê yébé naŋ kwôrnêri men

¹ Kenbay kaŋ yébé, dôbêŋge sarŋge biŋ kwôrnêrŋge aŋ bi ka kwôrnêri bi bôri sa kwôlo Emen a ré hen, ré kené kôlji kwôlo Emen né kôba, kirija bay gel jé lêreŋge wo dôri hen iyôn na, bay a ayê bôri men. ² Bay a gelé wo kené na ka séli men, bay a gelé kemnare to ken kemnaŋ tiniŋi hen men. ³ Wogéŋge kwôy kwôy wô lê kalmare tu biŋé naŋ jané yernge naŋ sarŋge toŋ piyé to ré dô dê to biŋé hen ré men, naŋ aŋgaŋ maa kaŋ lôr ka ken tôbê hen ré men, naŋ bargay ka dôri dôri ka ken tôbê hen ré a men.

⁴ Nijba, kalmare tonje ba, bi hena na bônge a dî. Kalmare hende to hena bônge a hen a na: ulê bôô men, erê jalê a men. Wôsa lê are bay iyôngi hen na, na kalmare to a mênij ré kwôy men, dôrij Emen a men. ⁵ Na hen iyôn a yébé ka tumô ka na kôl ciré na ka Emen a hen na ré lij kalmare hen men, na dôbij sarji bij kwôrnêrji a men hen. ⁶ Erménge sa Sara a, hende na bij kurôre *Abraham kwôlê kwôy aŋ uwôgijni «ôbi iyéyren» a men. A hena kené li aŋga dôri men, ken harij ani ré a men na, ken yi môŋ Sara iyôn men.

⁷ Kenbay kaŋ kwôrnêrji kôba, bi i i kôba, bi mô dô naŋ tamni wôsa yébé na, néerji némij naŋ kwonje ré. Kemnanje tiniji wôsa gelê wo Emen béŋge seŋge hen na, bay kôba, ôbi biji na hen iyôn men. Hena kené li hen iyôn na, kirija ken uwôl Emen ba, ôbi a toyé béŋge.

Bay ayê bôô na bay lê aŋga dôri haji, nijba, bay a geléji gusij

⁸ Kwôlo na kelê dirij kibi kwôlê wupê a na: kenbay kê m bi bônge pôn men, ken bônge tu ja tonje men, geyinje yerŋge wôsa kena yêné men, lijge naŋ yerŋge men, ken yi bay uwôyrê yi ré a men. ⁹ Hena kwôni ré lêŋge habij ba, ken liri habrê hôrij ré men, hena bay ré tirénge ba, ken tiréji hôrij ré a men, nijba, ken uwôl Emen bi ré tô kibri sarji a wôsa wulê wo Emen uwôgênge bi kené yi kari hen na, na wô wo dîré tôrij kibri sarŋge a. ¹⁰ Lij bô magtubu to Emen a kôl iyôn ba:

«Hena kwôni wo ré gey merê derê men, lê yi yé a men na,

bi kwôlê wôni wo habiŋ si kibri a ré men, bi li benare ré niŋ men.

¹¹ Bi li anŋa dôri dîba, bi li ani ka habiŋ né men, bi woge geré bi bô jalê ré yi perê megêrji a kwôy kwôy a men.

¹² Tu Emen yi sa bay lê anŋa dôri a men, ôbi toy uwôlê woji a men.

Niŋba, ôbi kaŋ bay lê habrê.»

¹³ Hena kené mase wô lê anŋa dôri na, kwôni wo a lêŋge habrê ba, naŋ. ¹⁴ A hena bay ré gelêŋge gusiŋ sa kibi jé lêreŋge wo dôri a na, Emen a terê kibri sarŋge a. Iyôn ba, ken hariŋ gawrê ré men, ken sun né a men. ¹⁵ Niŋba, ken bi bôrŋge yi pôn sa heramê Krist a pôn nêŋ hari men, ken bôri mega Kelma woŋge iyôn a men. Merêŋge sa têrŋge a aŋ kirîna hena bîné ré engerêŋge wô mi a kené dî bôrŋge sa Jêsu Krist a ba, ba ken dô tôri biji. ¹⁶ Derêŋgeji tôri hen iyôn ken biji naŋ tôô to jali men, ken beŋgeji kwôlê a men. Anŋa ken erem wo ré dô a kené li dî aŋ kirîna bîné ca kelê kwôleŋge wo habiŋ ba, bi tayre diji wô tiiré bi wo bay tiiré jé lêreŋge wo dôri tô geré wo *Krist hen. ¹⁷ Hena ré na bô geyé wo Emen bi kené geliŋ gusiŋ wô kibi jé lêreŋge wo dôri na dô. Niŋba, geliŋ gusiŋ wô kibi lê anŋa dôri na, dô dê geliŋ gusiŋ wô kibi lê anŋa habiŋ. ¹⁸ Jêsu Krist kôba, ma wô kibi têriŋ tonŋe men. Sa hende to hen na, ôbi ma têê pôn yôd. Kwôni wo li têriŋ né kwôy hen ôbi a ma wô kibi bay lê têriŋ wô ôriŋ naŋ ken ligi Emen a. Bay duu yiri niŋba, Tunu toŋ hendi bô

bôrê biri ji si kamnê. ¹⁹ Nañ néé wo Tunu hende to hen na, ôbi ô uwôliñ béré kwôlo Emen biñ tini biñé ka na ma ka yi danğay a hen. ²⁰ Na tunu hende to yi danğay a hen a na narê kwôlê kibi Emen hen. Emen na uwôl bôri môriñ gemji kwôy wulê wo Nowé ñaniñ bato kô. Biñé ka si bô bato hende to hen a añ gôliñ kam hen na, bay na marge dêj mera. ²¹ Kam bay ka hen na, gel na batêm to gôliñ nañ ken haw hen. Batêm hende to hen na, na to bay peliñ yirji hen né, niñba, na to nana uwôliñ Emen bi ré dô têriñ lêrena bôrna añ hen. Añ ôbi gôliñ nañ ken sa kibi jê sé kamñê wo Jêsu Krist perê biñé ka ma a. ²² Jêsu Krist bul hô derômarañ a añ mô sa kôbi Emen woj gusurô a. Añ ôbi na ôbi sa *manê ka derômarañ a men, ôbi sa are kê m ka ôriñ nañ tôô men, néé hen a men.

4

Hal wo cay nañ kwo kôrbi

¹ Kirija *Krist bul yiri yi gawra hen na, ôbi geliñ gusiñ. Na ôbi wo hen aña kenbay kôba, ken bi ermé bi wo hen yi sarñge a wô geliñ gusiñ mega ôbi iyôñ men, wôsa kwôni wo geliñ gusiñ yiri a na, ôbi bul cêgeri biñ têriñ niñ. ² Ayiñ tôri haw hen ôriñ tumô a kwôy wo ken môriñ ba sa terare a nà baa ya tô hen na, bi jê lêreñge dé tu Emen ñiba ken li aña habiñ ka bôrñge gey hen né. ³ Tumô ba, na ken mô cerôb na wô lê aña bay henêre Emen né gey lê hen. Añ haw hen na, nê m niñ. Tumô ba, ken nê m beré yerñge sa lê añañ iñamê nañ aña kurôñgi yi gey hen né kwôy. Na kena bay kwoyé care men, bay erê

wô lê yi derê ômiñ are kwôy bôliñ tô a men, ken dayriñ wô yê care men, kena bay tibé kamrê a men. Añ na anğa biñ nañ tôô to Emen né ded. ⁴ Añ haw hen, kirijna bay li are bay ka habiñ ka iyôñgi hen aña kené li nañ ci hen iyôñ men ré na, bay a berê mega ré dê sa kirij menba, bay tiréñge. ⁵ Nijba, cêgê bay a derê tô jé lêreji wo habiñ bi wo hen kêm tumô Emen a. Wulê baa dfa wo ôbi a jerê kwôlê sa biñé ka mô tu geñ a nañ ka ma a men. ⁶ Kwo biñé ka ma hen na, wulê wo bay na nañ sa terare a nà tô hen na, Emen na jô kwôlê sarji a mega wo ôbi jôriñ kwôlê sa biñé a kêm hen iyôñ. Nijba, kirijna bay ma nij ba Krist na uwôlji béré Kwôlo Dôri bi bay ré môriñ tu geñ môñ Emen iyôñ men.

Hal wo bay ayê bôô perêrji a

⁷ Wulê wo sa terare a kôriñ na baa dfa nij. Ôbi a ré dô wo kené bu yerñge men, kené mô tu geñ a men wô uwôlê Emen. ⁸ Geyiñge yerñge nañ bôô pôn, na anğa dô dê are damañ. Wôsa hena jeré gey kwôni na, li añ já dé bôm jalê sa têriñ tori a kwônê. ⁹ Biñé ka era iyére tonje a na, ken berji yerñge a dfa, ken bare ré. ¹⁰ Bi i i ba, ay gwosoy lê anğa Emen biri hen liñ jé biñ megêri men. Ôbi a, kené yiñ bay berê sa gwosoy lê are ka kwôni ka hena ligi Emen a hen. ¹¹ Hena Emen né biñ kwôni gwosoy derê kwôlê na, bi ôbi dô na kwôlê woñ tiri wo hena kibi Emen a hen. Hena Emen ré biñ kwôni gwosoy lê nañ biñé na, bi ôbi li nañ néé wo Emen biri hen. Lêñge hen iyôñ bi biñé ay kibi Emen wô sa are kêm ka liñ sa kibi

Jésu Krist hen. Hini emê naŋ néé yi wô sa Emen kwôy naŋ kwini. *Amên, bi yi gelij hen iyôn.

Yi derê yi gengij sa kwôni wo gelij gusij wô sa kibi Jésus Krist

¹² Miljén kaŋê, gusij to ken gelij damaŋ mega wo kené mô na bô tare a iyôn hen na, ken bô mega wo ré na aŋga dê kirij ka ré sa sarŋge a iyôn né. ¹³ Nijba, lêŋge yi derê wôsa ken gelij gusij mega wo Jésus na gelij hen iyôn men. Iyôn ba, ka sa lê yi derê damaŋ a wulê wo ôbi a gelij dampare tori hen. ¹⁴ Hena bay ré tirêŋge wô sa Krist na, kunêŋge pelal wôsa Tini Emen top hendi néé hen baa naŋ ken. ¹⁵ Bi kwôni pôn nêŋ iyôn perêŋge a hen gelij gusij wô wo ôbi ré na ôbi deré temare men, ôbi gemsare men, ôbi lê habré men, ôbi tôbê kibri bô kwôlo bijné a a men né. ¹⁶ Nijba, hena ôbi ré gelij gusij ba, bi gelij na wô wo ôbi ré bi bôri sa Krist a men, bi tayre diri ré, nijba, bi ôbi heram Emen wô hini Jésus wo ôm sari a hen dî men.

¹⁷ Wôsa Wulê wo Emen a jôrij kwôlê sa bijné a hen na, nêŋ nij. Ôbi a jerê kwôlê sarna nabay bijné kari a tumô. A hena ôbi ré jô kwôlê sa bijné kari a tumô ba, ka bi bôri sa Kwôlo Dôri a ré hen ba, kwoji ba a yé na iyeŋ ba? ¹⁸ Wôsa lij bô magtubu to Emen a kôl iyôn ba:

«Hena bijné kaŋ derôre uné gelê ré iyêrê wô sarji hen iyôn ba,
bay lê habré naŋ bay lê têrij ba, kwoji ba a yé na iyeŋ nij ba?»

¹⁹ Iyôn ba, ka gelij gusij naj bô geyé wo Emen hen na, bi bay li anga dôri kwôy kwôy men, bi ay yirji uwôl yôd kôbi ôbi dé are woj ôbi bô pôn hen a men.

5

Kwôlo gengij sa surjê naj bay ayê bô bô églis a

¹ Na ðijé kaj surjê perênge a hen a ené kelêji kwôlê haw hen. Nôbi kôba, ena kwo suri mega bay iyôn men, en gel gusij to *Krist gelij naj tun men, na upé hini emê wo Krist wo Emen a sa yêgê sari hen men. Na kwôlo en kôlji bi a na: ² cibênge turnge sa ðijé ka Emen bênge kôbrenge a hen dô mega wo ôbi gemé gamgê cebij tiri dô sa gamgê kari a hen iyôn. Cibênge turnge dô sarji naj bô pôn mega wo Emen gey hen iyôn ðiba, ken li mega kwôni a ré berênge eren iyôn né. Bi bôrnge yi sa jé wonge a ðiba, ken ði turnge sa lari wo kené upé hen ré. ³ Bijné ka Emen bênge kôbrenge a bi kené cubu turnge sarji a hen na, ken mô sarji môj kené na kilmé iyôn né. Nijba, bi jé lêrenge wo dôri a bay ré gel wô lij hen iyôn men ði. ⁴ Hena kené li hen iyôn na, wulê wo Jêsu Krist woj ôbi cebé tiri sarna a kêm hen a bulo hera na, ôbi a bênge anjan sa kôbi ka na gwôyê woj hini emê wo a yé naj kwini yôd hen.

⁵ Kenbay kaj manê kôba, ken dôbe sarjge bij surjê kanje ka bô églis a. Men, kenbay bay ayê bô ka bô églis a kêm hen ken uwôyrê yerjge perêrnge a ré. Wôsa lij bô magtubu to Emen a

kôl iyôn ba: «Emen kaɲ bay uwôyrê yi, niɲba, tô kibri sa ɓijé kaɲ bay dôbê sa a dî.»

⁶ Iyôn ba, ken di sarɲge tòn tumô Emen woɲ ôbi néé a aɲ wulê wo ôbi na genge hen nê m ba, ôbi a bé ka derê sarɲge ta tô. ⁷ Perêɲge aɲgê wo ken aɲge hen kê m, ken biri sari a wôsa ôbi a na ôbi berê sarɲge.

⁸ Merêɲge sa têrɲge a aɲ ken ɓu yerɲge wôsa ôbi bareɲge Sidan piyrê tôri wogij kwôni wo dîré mênêri mega wo kwo harerê si na si na wô wogij kurôn woɲ ɓeré emê iyôn hen.

⁹ Debêɲgeri iyêre aɲ ken bi bôrɲge sa Emen yôôd. Wôsa ken hôn, yê nêrɲge bay ayê bô n aɲ kirij kirij sa terare a nà gelij gusij na hen iyôn men. ¹⁰ Kirija ka gelij gusij sem iyôn a menba, Emen wo bô derê hena ligiri a wo uwôgêɲge wô hini emê wo n aɲ kwini tô Krist a hen na, ôbi a hô nanêɲge cêgi gusij to ken gelij a hen. Ôbi a béɲge néérɲge men, a dôbêɲge ibiyare bôrɲge a men, a bé ka dɛbé iyêrê geraɲ sa têrɲge a a men. ¹¹ Néé yi wô sari n aɲ kwini kwôy yôd. *Amên, bi yi gelij hen iyôn.

Dosé n aɲ kwôlê woɲ derij kibi kwôlê

¹² Magtubu hende to dê to en li béɲge hen na, na yê nê n Silas wo dɛbe iyêre tô kwôlo Emen hen a lé ben hen. En li magtubu hende to hen na wô dôbij ibiyare bôrɲge a men, ené gelêɲge mega wo ré na bô derê wo Emen woɲ tiri hen a kené hariɲ ya hen.

¹³ Bijné ka bô églis to Babilôn a ka Emen tôrji mega wo têrêɲge hen iyôn men na, lêɲge

dosé men, keman Mark kôba, lêngge dosé a men.
¹⁴ Lînge dosé perênge a dô nañ bôô pôn añ bi gel
wo kené geyiñ yerŋge. Bi bô jalê wo Emen baa
nañ kenbay kê m ka ken biñ pôn nañ Jêsu Krist
hen.

Magtubu tôô toj bijare to kôrbi
Kimré: Magtubu tôô toj bijare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

9dff176-4e78-52cc-9acd-204efe85cf84